



საპოლიტიკო, სამეცნიერო და სალიტერატურო ნახატებიანი გაზეთი გამომდის ყოველ კვირა დღს

№ 38

ს ე მ ტ ე მ მ ბ ე რ ი 8 1896 წ.

№ 38

შინაბასი: ჩვენი საჭირ-ბოროტო.—რა არის პოლიტიკა? გ. წერეთლისა.—სხვა-და-სხვა ამბავი.—„კეკელის“ კორესპონდენტები.—არა, არ მინდა, ლექსი კ. ზურაბიშვილისა.—უცხოეთიდან (სოფელი და სასოფლო სკოლა გერმანიაში) ნ. ჟორდანიასი.—ჭარმონიული ვტოუდი, კრუტიკა ი. ნაგშიძისა.—ჟურნალ-გაზეთებიდან.—გარცერი და ტეკტორა, ძველის ძველი ამბავი, (გაგრძელება) პ. გოთუასი.—ტრაჟი და კერძო განცხადებანი.—

№ VIII „ჯეჯილისა“ გამოვიდა და დატურიგდა ხელის მომწერლებს.

„კეკელის“ ხელის მომწერლებს მფარველებს, ვისაც ფული აჩ შემოუტანათ, დროზე შემოიტანონ.

ჩვენი საჭირ-ბოროტო.


სინც კი დაპყვრება ჩვენ დალოცვილ ცხოვრებას ყოველ წლიე ამ დროს ხედავს, რომ ჩვენი ხალხი დიდ ფაცაფუცშია... დიდი და პატარა აქაური და სხვა ქალაქებიდან მივსწრაფებიან სკოლებში, ცდილობენ დააბინაგონ ყმაწვილები, არ ზოგავენ არა ფერს და თუნდ ჯიბე არ მოადეღეთ, მინც ასე თუ ისე შეილებს სწავლის გზას უხსნიან. ჩვენ ვიცნობთ ბევრს იმისთანეებსაც, პანსიონში გასაზღვლათ თვეში ოთხ თუმანზე მეტიც გამოუღლიათ, ოღონდ შეილი მოემზადებინათ გიმნაზიის დასაწყის კლასებში. მართალია, დაბალ კლასებში მოსწავლე ქართველები შედარებოთ იმ პროცენტისა, რომლებიც ათავებენ კარგა სამყოფია. მაგრამ გაივლის დრო და თან-და-თან მათი რიცხვი მცირდება, უფროსს კლასებში ქართველები სულ ცოტა-

და რჩება. ისიც მართალია, რომ ზოგიერთები პირველ შავირდათაც ათავებენ, მაგრამ მინც ჩვენი ქართველების საქმე კარგათ არ მიდის—ახალგაზდა თაეობა სხვა და-სხვა სპეციალური სწავლით აღჭურვილი და უფლებებით შემკული ცოტა გეყავს და ამის მიზეზს ჩვენში სხვა-და-სხვა ნაირათ ხსნიან. ზოგი ქართველების ზარმაცობას და უხასიათობას აბრალებს, ზოგი სიღარიბეს და არიან ისეთნი სულით დაბლები, რომ ამბობდენ კიდევ ერთ დროს ვითომ ქართველების თავის ქალა ისე არისო მოწყობილი, რომ უნიჭო უნდა იყენო. ჩვენის აზრით, ქართველებისაგან სწავლის დაუშთაერებლობა აინსნება იმ ერთი უმთაერესი მიზეზით, რომ როდესაც მამას ჩამოპყავს პირველათ შეილი—რეა წლის ყმაწვილი და აბარებს ჩვენ განთქმულ პანსიონებში, ფულებსაც ბლომათ აძლევს, მაგრამ პირობათ უღებს, რომ მისი ბავში რაც შეიძლება მალე მოამზადონ; ოღონდ მიღებულ იყოს მათი ბავში სახელმწიფო სასწავლებელში და დედ-მამას სხვა არა უნდა რა, სხვა არაფერს არ დაეძებს. ამას შედეგათ მოადევს ის, რომ პანსიონიც თუთიყუშივით აზვიპრებინებს ყველაფერს, უჩლუნ-

გაგს გონებას გაუგებარი სიტყვების დასწავლით და ახერხებს ისე, რომ ორ სამ წელიწადზე აბარებს ყმაწვილს სახელმწიფო სასწავლებელში.

დღე-მამის სიხარულს საზღვარი არა აქვს. ყმაწვილი კი გიმნაზიაში სანამ ზებირდასწავლებლით გაიტანს რამეს, ვა-ვაგლახით გადადის კლასებში, მერე კი როდესაც გონების ვარჯიშობაა საქირო და ბავშვს გამპრიახობა მოეთხოვება, მაშინ მესხიერებაც დაჩაღუნული აქვს, ტვინიც უსუსტდება და სწავლასაც ევლარ ავრძელებს. ამასთანავე იშვიათათ თუ მიეშველება მას სამშობლო კერა, რადგან ყმაწვილები ან შორიდან არიან მოსულები და ან ოჯახი გაუეთარებელი არის. გადის წელიწადები და უკერძო ყველას, ჩვენი შვილები რატომ არ ათავებენ სწავლას.

— წარმოიდგინეთ, ჩივის ერთი გამწარებული დედა, — ჩემი შვილისთვის არაფერს არ ვზოგავდი. ხშირათ მე შმიერი ვრჩებოდი, მაგის აღსაზრდელათ კი პანსიონში თვეში ოთხ თუმანს ვაძლევდი სამი წლის განმავლობაში და დახეთ უბედურებას მეთხე კლასამდის ძლივს მიახწია და უნიჭობით გამომიგდეს სასწავლებლიდან. ხშირათ მესმის ამ გვარი ჩივილი...



რა არის პოლიტიკა?



ადგან „კვალს“ მიენიჭა ვრცელი პროგრამა და გადაიქცა დამოუკიდებელ ორგანოთ, ამისთვის მას შეუძლია ახლა პოლიტიკაზედაც ჰქონდეს თავისი მიმართულებების შესაფერი მსჯელობა.

სიტყვა პოლიტიკა წარმოებს ბერძნულიდან Polis (პოლის)-ქალაქი, ძველ საბერძნეთში ყოველი ქალაქი თავის გარემო ადგილებით და სოფლებით შეადგენდა მთელ სახელმწიფოს და მაშინდელი საბერძნეთის ზევე, სახელდობ, მემკვიდრეობით აღჭურვილი ქალაქის მოურავი იყო. აქედან Polites (პოლიტეს) — მოქალაქეთა კრებას, ანუ სახელმწიფო კრებას შეადგენდა.

Politikà (პოლიტიკა) ნიშნავდა საქალაქო, ანუ სახელმწიფო ურთიერთობას. ჩვენ დროში პოლიტიკა არის მეცნიერება სახელმწიფო ცხოვრებისა, ესე იგი მისი პირობების, მიზნის, მიმართულების, მოქმედების და სხვა სახელმწიფოებთან დამოკიდებულებების შესწავლა.

ჩვენც თანახმათ ამ განმარტებისა ვეცდებით ჩვენს პოლიტიკურ ქრონიკებში შეძლებისამებრ დავანახვით მკითხველებს, თუ რა მდგომარეობაში არიან დღევანდელნი სახელმწიფოანი, ვინც კი გამოსულან მსოფლიო ასაზრგზე ისტორიულ მოქმედებნათვის,

რა მსწრაფება აქეთ იმათ, როგორ დამოკიდებულებაში არიან ისინი, როგორი განწყობილება აქეთ იმათ ერთმანეთ შორის და რამდენათ დამოკიდებულება მათ განწყობილებაზე ერთა წარმატება და იმათი ბედისწერა. დღევანდელი პოლიტიკა რომ ზედმიწევნით შევიგნოთ, ცოტა შორიდან უნდა დავიწყოთ. სანამდის დიდი რევოლუცია მოხდებოდა საფრანგეთში წარსულ საუკუნის გასულს, პოლიტიკა შეიცავდა მხოლოდ მაშინდელ სახელმწიფოთა ცარცვა-გლეჯას და ერთმანეთში შესევას. მხოლოდ ინგლისმა დაამთავრა იმ დროს თავისი შინაგანი ხელმწიფობის უზრუნველყოფა გარეშე შემოსევისაგან. ინგლისის სახელმწიფო მდებარებდა ზღვაში, გარშემორტყმული ჰქონდა აუარება სამხედრო და სავაჭრო გემთა გროვა, ასე რომ მას ვერაფერ შეეცილებოდა თავის ქვეყანაში და ის კი მეფობდა ზღვაზე, ვაჭრობით მდიდრდებოდა, სხვა სახელმწიფოების კოლონიებს ნელნელა იგდებდა ხელში და აუშჯობესებდა თავის საკუთარ შინაურ სახელმწიფო გამგეობას, ფენდა ხალხში კეთილმდგომარეობას. სხვა ევროპის სახელმწიფოებში კი ასე არ იყო. ესენი მუდამ მტრობდენ ერთმანეთს, იყო დაუბოლოვებელი ომი გერმანიასა და საფრანგეთს შორის, ისპანიასა და მცირე სახელმწიფოებს შორის, როგორც მაგალითათ იყო პორტუგალია, ჰოლანდია, ბელგია და სამხრეთი იტალიის სამთავროები. ამასთანავე ძლიერი ოსმალეთიც იწვეოდა მათზე და დიდ შიშში აგდებდა დასავლეთ ევროპას. ამ დროს რუსეთის ხელმწიფობაც გამტკიცდა, დაეტაკა ოსმალეთს და ძალიან შეასუსტა. წაართვა ყირიმი, გაათავისუფლა მცირე როსია მის გავლენიდან და ემუშებოდა კავკასიის და სლოვენთა სამთავროების ხელიდან გამოგლეჯას. როდესაც საფრანგეთის დიდი რევოლუცია შემზადდა, იმ დროს, აი, რა მდგომარეობაში იყო მთელი ევროპა: ჩრდილოეთ იტალია და პაპის სამთავრო ავსტრიის ხელმწიფეს ეჭირა; მთელი ბალკანია და სლოვენთა სამთავროები: სერბია, ჩერნოგორია, ბოლგარია, ბესარაბია, ერთი ნაწილი პოლშისა და სამხრეთის მხარე მცირე როსიისა პრუტის მდინარემდე ოსმალეთს ჰყავდა კლანჭებში გამოკლული. რუსეთს პოლშა და ყირიმი დაეპყრო და თავისი გავლენა კავკასიის აქეთა მხარეზე გადმოეტანა: საქართველოს მეფენი და იმათი მთავრები თავის მფარველობას ქვეშე შეეყვანა. ამ დროს ევროპის ნიადაგზე პოლიტიკა შეიცავდა ძალმომრეობას; სახელმწიფოები ფიქრობდენ მხოლოდ ერთმანეთში შესევას, წართმევა-წაგლეჯას. ეროვნების კეთილმდგომარეობის ნასახა არსად ჩნდა, ერთი და ხალხი ყოველგან ხელმწიფობის მიერ შეწყუნებული იყო. სუფევდა მხოლოდ ზეცას ღმერთი და ქვეყნათ ხელ-

მწიფე მირანცხებულის, რომელსაც ხალხი მით უფრო თაყვანს სცემდა, რამდენათაც ხელმწიფე უფრო ძალმომრევი იყო.

ამ დროს საფრანგეთმა უყიელა დაჩაგრული ერებს და წინ დაუხატა თავის მომავალი მიზანი სამი სიტყვით: „ძობა, თანასწორობა და თავისუფლება“ (la liberté, égalité, fraternité). მაშინ საფრანგეთმა დაარღვია ძველი პოლიტიკის ეითარება და ფეხქვეშ გათელილი ეროვნება ზეზე წამოაყენა. ამის შედეგი იყო დაჩაგრული ერების გამოფხიზლება და შეგნება, რომ ყოველი ერი თავისუფალი უნდა იქნეს და თავისი შინაგანი პოლიტიკური ცხოვრება თითონ უნდა მოაწყოს. ამ სახით მთელი მეცხრამეტე საუკუნის სამი მეოთხედი, ესე იგი სამოცდა თუთხმეტი წელიწადი, ამ პრინციპით ხელმძღვანელობდა პოლიტიკა და თითქმის ყველა დაჩაგრული ერები ევროპის ნიადაგზე განთავისუფლდენ უცხო ტომის ბატონობისაგან და თანასწორ სამოქალაქო უფლებებზე დაამყარეს თავისი შინაური სახელმწიფო გამგება. უკანასკნელი მეგრძოლი ეროვნების თავისუფლებისათვის შეიქნა ბისმარკი, რომელმაც დააგვირგინა გერმანიის ნაციონალური ერთობა. მაგრამ იმანვე ამ პრინციპს უღალატა, დაუდგა საზღვარი შემდეგი მცნების წამოყენებით: „Beati possidentes“ — „ნეტარ არიან დამპყრობნიო“. ამ პრინციპის აზრი ნამდვილი დაიწყებული საშუალო საუკუნის პოლიტიკის განახლება იყო. ეინც რა დაიპყრო, იმას ნულარავენ შეეხებოა. აქედან წარმოდგა საერთა-შორისო პოლიტიკაში ის სწავლა, რომ ყოველი ხელმწიფობა თავის შინაგან საქმეში ხელშეუხებელია. მის ხელქვეით დამორჩილებულ ერს მხოლოდ დარჩენია მორჩილება და, რაც უნდა ტანჯვაში იყოს, უფლება არა აქვს განუდგეს თავის მზაგერელს და, თუ განუდგა, თვითონ უნდა აგოს პასუხი. გარეშე სახელმწიფოს უფლება არა აქვს ხელი გაუწვდინოს, ან შეეწიოს მას; თუ ასეთი დაჩაგრული ერი განუდგა თავის მპყრობელ ხელმწიფეს, მას ნურავის იმეღა ნუ ექნება, თუნდ რომ მისმა მპყრობელმა ის სრულებითაც გაქლიტოს. ამ მხრით ბისმარკმა რაკი ეროვნული თავისუფლების პრინციპი გერმანიის ერის შეერთებისთვის გამოიყენა, მერე უარი თქვა იმავე პრინციპზე დი ძველი ფეოდალური შეხედულება დაამყარა პოლიტიკაში. ამით მან დიდი თანაგრძობა და სიყვარული მოიგო იმ ხელმწიფეებისა, რომელთაც ჰყავდათ გარეშე ტომის ერები თვის უფლებას ქვეშ და არაფრათ ებტნავებოდათ ნაციონალური პრინციპი ერების განთავისუფლებისა, მეცხრამეტე საუკუნეში წამოყენებული დიდი რევოლუციის წყალობით. რა ანგარიში ჰქონდა ბისმარკს,

რომ ეროვნული თავისუფლების პრინციპი ძველებურ ფეოდალურ პოლიტიკის პრინციპათ შეცვალა?.. ის, რომ გათავისუფლებულ გერმანიას ერთი ნაწილი პოლშის ქვეყნისა, რომელსაც ეწოდება სილეზია და პოზნანის მაზრები, დღესაც კლანჭებში ჰყავს გამოკლული და არ უნდოდა ისინი ხელიდან გაეშვა. სანამ ნაციონალური თავისუფლების პოლიტიკა გერმანიის ერთობას მსახურებდა, მანამდის ბისმარკიც წარმატების გზას ადგა, მაგრამ როცა თავის გულის წადილი შეისრულა, მერე კი მოატრიალა თავისი მიმართულება და დაამყარა ევროპაში ხელმწიფობის გარეშეუსაზღვრელი მოქმედება. ამ სახით ბისმარკი შეიქნა ევროპის პოლიტიკაში რეაქციის, ძველი მიმართულების წარმომადგენელი...

გ. წერეთელი.



სხვა-და-სხვა ამბავი.



აზ. „Ноб. Ор.“-ის სიტყვით 5 ენკენისთვიდან დაიწყება ქ. ქუთაისში, სამხედრო გუბერნატორის განკარგულებით, კრება მაზრის უფროსთა იმ კითხვის გამოსარკვევათ, შეუძლიათ თუ არა მცხოვრებთ, რომელთაც გასულ წელს ზარალი მიეცათ წყალდიდობის, დიდ-თოვლობის და სხვა-და-სხვა გადაძებ სენის გამო, თავის დროზე შეიტანონ სახელმწიფო გადასახადი და ბეგარა და საქირა თუ არა შუამდგომლობა გადასახადთა ვადის გადადებისათვის. ამ კრებაზე მიწვეული არიან აგრეთვე საბევრო ინსპექტორები და მმართველი თჳილისის სახაზინო პალატისა, ბ. ვერტენნიკოვი.

* *

ფრიად სასიამოვნოა, რომ ზოგიერთ ქუთათურ ქართველ ქალებს, რომელთაც ახლათ სწავლა დაუმთავრებიათ ქუთაისის გიმნაზიაში, გაუხსნიათ საკუთრივ ქალებისთვის სასწავლებელი. ესურვებთ, რომ ამ მძიმე საქმეს გაუძღვენ კარგათ.

* *

გაზეთ „კავკაზში“ დაბეჭდილია შემდეგი წერილი მცხეთის მონასტრის წინამძღვრისა, ნინოსი: „ჩემამდის მოაწია ამბავმა, რომ ზოგიერთი პირები თურმე წერილით და პირადათ თხოვენ სხვა-და-სხვა ქველმოქმედ პირებს შეწირულებას ჩემდამი რწმუნებულნი

წმ. ნინო-განმანათლებელის მცხეთის მონასტრის სასარგებლოთ, ვითომ და ჩემი მინდობილობით. მე ვაცხადებ საყოველთაოთ, რომ არც წერილით და არც სიტყვით არ მამოცია ნება შეწირულების მოგროვებისა და არც ვისმესგან მიმიღია“.

ეს ამბავი საგულისხმოა და ჩვენდა საუბედუროთ ხშირათ მოხდება ხოლმე. მოიპოვებინან ივისთანა ვაჟბატონები, რომელთაც არც ჩამომავლობით და არც განათლებით არ შეჭვერის სხვის სახელობით ფულის მოგროვება და მითვისება.

* * *

თფილისის ქალაქის საბჭოს სხდომები დაიწყება 9 ენკენისთვის. ამ დღისათვის დანიშნულია, გასარჩევათ, სხვათა შორის, შემდეგი საქმეები: ქალაქის გამგეობის მოხსენება ახალი სამკურნალო წესდების შემოღების შესახებ; გამგეობის მოხსენება პარეელდაწყებითი სახელოსნო სასწავლებლების გახსნის შესახებ თფილისში, წყლის არხის სახელოსნოს გასაშინჯავათ კომისიის ამორჩევა, თფილისის გუბერნატორის წინადადება სიფილადოლოგთა კრებაზე პეტერბურგში წარმომადგენლის გაგზავნაზე, გამგეობის მოხსენება ქალაქის მონაწილეობის მიღებაზე პოლიციის ხარჯში და სხვა. ასე და ამნაირათ თფილისის ქალაქის საბჭო რამდენიმე თვის გაჩერებას შემდეგ კვლავ იწყებს თავის მოქმედებას: მომავალში ვეცდებით, რომ ჩვენი დედა-ქალაქის საქმეებს თვალყური ვადევნოთ და შესაფერათ დაეფასოთ იმ დაწესებულების მოქმედება, რომელზედაც ჰკილა ამდენი ხალხის ბედ-იღბალი, რასაკვირველია, რამდენათაც ეს შესაძლებელი იქნება.

* * *

გაზ. „კავკასის“ ბაქოელი კორესპონდენტი ასე გეხატავს „შავი ქალაქის“ (Черный Город) ანტი-სანიტარულ მდგომარეობას: „რა არის აქ მილიონების გვერდით? უზარმაზარი ტბები გავსებული ნაგავით და ყოველგვარი უსუფთაობით; იქვე ყრიან მახუტში ჩამხრეული ცხოველები. ამასთანავე არაეისთვის საადუპლოებას არ შეადგენს მუშების ბინის უკიდურესი, არა-ჰიგიენური მდგომარეობა. ისინი სახლებში კი არ ცხოვრობენ, არამედ რაღაც ბოსელში, უჰაეროთ და უსინათლოთ. საზოგადოთ „შავი ქალაქის“ მუშები მეტათ შევიწროებული არიან საქმლის მოპოვებაშიაც. თუმცა ღუქნები კა და კიდევაც სანდოთაც იძლევიან, მაგრამ ტყავსაც აძრობენ. წყლის და აბანოების უქონლობა, ცხოვრება მუდამ მკვარტლში, კვამლში და ჰაერში, რომელიც გაცენ-

თალია სულის შემსუთავი გაზებით,—აი, საზოგადო სურათი მუშების მდგომარეობისა, იმ მუშებისა, რომლებზედაც ჰკილა ნათის წარმოებას წარმატება. სწორეთ შეუძლებელია სხვა რაიმე ამნაირი ოქროს მომტანი მრეწველობა, რომლის საშუალებით ერთ თვალის დახამხამებაში მდიდარი გახდე. ამას წინეთ მე ყურა მოგკარი საუბარს ერთი ნათის შადრევანის შესახებ, რომელიც უკვე ოთხი თვეა რაც მოქმედებს და ყოველ დღე აძლევს თავის პატრონს 60-80 ათას მანეთამდის წმინდა მოგებას. სხვაგან სად მოხდება ეს“?


* * *

† სოფ. ევლისციხეში ამ დღეებში გადაცელილი ნიკოლოზ სომინისძე გამრეკელი, 60 წლის, რომელსაც დედ პატრესციმდა ავგილოზრეია საზოგადოება. ნ. ს. გამრეკელი ეკუთვნოდა იმ გვამთა გუნდს. რომლებიც თავის პაროქიულ ინტერესებს საზოგადო სამსახურს ანაცვლებენ. სასულიერო აკადემიაში სწავლის დამთავრებას შემდეგ ორმოცდაათ წლებში ის შევიდა სამსახურში, სადაც კარგი სახელი მოიპოვა. მართებლობის წინადადებით მან გადათარგმნა ქართულ ენაზე წესდება სასაფლო მმართველობაზე. მან გადათარგმნა აგრეთვე სამოქალაქო და სისხლის სამართლის წესდება.

ნ. გამრეკელი ყოველივე კეთილ საქმეში მსურვალე მონაწილეობას ლებულობდა, წერდა ადგილობრივ გამოცემებში სხვა და-სხვა სასარგებლო საქმეების შესახებ და სხ.

ამას გარდა ნიკოლოზს უყვარდა არქეოლოგია, საკმარისათ იცნობდა აღმოსავლეთის ისტორიას. იმის ცალკე გამოცემულ წიგნებში დეასახელებთ: „ეგვიპტელები საქართველოში“, „ლექსიკონი“ და სხვა-და-სხვა წერილები ქიზიყის არქეოლოგიურ გამოკვლევათა შესახებ. მრავალი წერილები დარჩენილა კიდევ დაუსტამბავი, სხვათა შორის: „წერილები ასურელებზე და პელაზგებზე“, „შენიშვნები ბაქრადის ისტორიაზე“ და „სასამართლო წესდების“ თარგმანი. ამ რამდენიმე თვის წინეთ ნიკოლოზ გამრეკელი გავიცანი თფილისის საჯარო წიგნთ-საცავში. იმ დროს მე ხშირათ დავდიოდი იქ, სადაც ჩემ განსაკუთრებით ყურადღებას იქცედა, სხვათა შორის, ერთა მოხუცო, რომელიც გასაკვირალი ენერგიით აუტანელ სიცხეში შინჯავდა რაღაც დაძველებულ და გამტყერიანებულ წიგნებს. შემდეგ ერთი ჩემი ნაცნობის საშუალებით მე გავიცანი ეს მოხუცო, რომელიც ნიკოლოზ გამრეკელი გამოდგა. ის იმ დროს, როგორც მან მითხრა, ჰკრებდა სხვა-და-სხვა ცნო-

ბებს საქართველოს ძველი ისტორიის შესახებ. ამან-
იერი გამოუთქმელი შრომის მოყვარეობასთან განსე-
ნებულნი იყო აგრეთვე შესანიშნავი წყნარი ხასიათის
და მშვიდობიანობას მოყვარე.



„კეკელი“ კორესპონდენტები.



მეტი. წლებადღობა ხანგრძლივმა გოლგამ
იმერეთში სიმინდები ნახევრამდის დაქვნი-
და დაანმო; ზოგან სიმინდს გაუჩნდა ერთ-
გვარი ქია, რომელიც ძირში ზრავს სიმინდს და ახ-
მობს, ამის გამო ბევრს სარჩოთ სამყოფი მოსავლის
იმედიც არ აქვს, თორემ სხვას ეღობა ჩივის. სიმინ-
დის ფასის დაკლებამაც დიდა ზარალი მისცა აქაუ-
რებს, რომელთა ავლა-ღიდებას სიმინდი შეადგენს:
ყველა ხარჯსა და მოთხოვნილებას სიმინდის ფასით
აკმაყოფილებ. კიდევ დიდი წყალობაა, რომ დაზა-
რალბულ ხალხს ყურადღება მიექცა, უკანასკნელი
წლის ხევდრი ნახევარი ფოსტის ფული და მიწის
გარდასახადიც ევატიათ, რომელმაც დიდი შეღავათი
მისცა ხალხს. გაჭირების გამო ბევრგან მღვდლებსა
და დიკენებს ორი წლის ხევდრი ღრამის ფული არ
აუღიათ; მასწავლებლები დიდი სიმწარით, ბევრ გა-
ჭირებას შემდეგ იღებენ წარსული თვეების ჯამა-
გირს.

კიდევ ბევრი არაფერი იქნებოდა, რომ აქაური
გლეხის ეკონომიურათ დაქვეითების მიზეზათ მარტო
სტიქიონისა და ბუნების მოვლენა იყოს, მაგრამ ამას
გარდა ყველაზე უფრო თავ-მიზეზათ ხალხის უმეც-
რება უნდა იქმნეს აღიარებული. იმერეთში ხალხში
წიგნების კითხვა ძალიან მცირეთ არის გავრცელებუ-
ლი; წიგნების წაკითხვას დაჩვეულები თუ არიან ისევ
ზოგიერთი სოფლის ინტელიგენცია. ზოგიერთი მეთქი
ეამბობ მისთვის, რომ იმისთანა სოფლის მასწავლებ-
ლი და მღვდელი იშვიათი არის სოფელში, რო-
მელთაც სასწავლებელში სწავლის დასრულებას შემ-
დეგ ერთი რამე წიგნი აეღოთ ხელში წასაკითხათ.
ზოგიერთი ვითომ და ცდარობს წაკითხვას და გაი-
გოს რამე, მაგრამ რა გამოვიდა აქედან? ბევრი თა-
ვის ცოდნას, თავის სწავლას ანდომებს უფრო ზში-
რათ პიროვნულ სარგებლობას, თავის მდგომარე-
ობის გაუმჯობესობას, ხოლო ერი, იმისი საქირობა
და საზოგადო მოთხოვნილება, ე. ი თავისი ზნეობრივი
მოვალეობა საზოგადოების წინაშე ბევრს არაფრათ
მიაჩნია.— ბევრი სოფლის მასწავლებელი „ჩინოვნი-
კობას“ უფრო მიდევს, ვინემ ნამდვილ ხალხის მა-

სწავლებლობას, თორემ იმ სწავლის ხალისთან, რო-
მელსაც საზოგადოთ იმერლები იჩენენ, გონიერი სწავ-
ლა-აღზრდით დიდ სარგებლობას მოუტანდენ მასწავ-
ლებელნი საზოგადოებას.

ექვი არ არის ალაგ-ალაგ სასიამოვნო მოვლე-
ნასაც ვამჩნეთ; საგულისხმო აქ ის არის, რომ სა-
სარგებლო საქმის მოთავენი და გამძღოლნი არიან
სულ უბრალო პირები, რომელთაც თავისი მეცად-
ნეობით ქართული წერა-კითხვა შეუწავლიათ, წიგ-
ნები უკითხავთ, გონება გაუხსნიათ და დღეს, როცა
შედავენ უმეცარ ხალხს, უნდათ მასში სინათლე
მოაფინონ და როგორც გაუეთ ცდილობენ ამისათ-
ვის. ამ-სთანა ამბავს ჩვენ სიამოვნებით აღვნიშნავთ.
დ. აბაშაში, მაგ., ბ. დოლიძეს შეუდგენია თავისათ-
ვის წიგნთ საცაყე ქართული წიგნებისა, რომლებსაც
დიდი ხალისით და სიამოვნებით აწვდის წასაკითხ-
ვთ ადგილობრივ მკვადრთ. საინტერესოა ამასთანა-
ვე აქვე აღვნიშნოთ, რომ ამ რამდენიმე წლის წი-
ნეთ აქ ფულებიც კი შეგაროვეს წიგნთ-საცაყის და-
სარსებლათ მაგრამ, სამწუხაროთ, ეს ფულები ერთი
ინტელიგენტის წყალობით ცამ ჩაყლაპა თუ მიწამ
ვერაყინ გაიგო.

მეორე სასიამოვნო ამბავი. დ. სამტრედიის მახ-
ლობლათ ერთ ახალგაზდა ყმაწვილს, ბ. ნანეიშვილს,
გაუმართავს თავის სახლში საკუთარი წიგნთ-საცაყე
ქართული წიგნებისა. ბ. ნანეიშვილი დრო-გამოშე-
ვით კვირა-უქმე დღეებში იწვევს თავის სახლში
ხალხს, რომელსაც უკითხავს კარგ შინაარსიან წიგ-
ნებს და ამნაირათ აჩვევს ხალხს წიგნების კითხვას;
სახლშიაც არიგებს წასაკითხავათ. დიდი სიამოვნებით
დავესწარი ამისთანა საზოგადო კითხვას ამ ორი კვი-
რის წინეთ; ხალხი ბლომთ იყო. წაკითხეს: „ილი-
მიტრი თავდადებული“, „ადედა და შვილი“ ილ-
ქაეჭავაძისა, რამდენიმე მოთხრობები გურიის ცხოვ-
რებიდან. უნდა გენახათ როგორი ყურადღებით ის-
მენდა ყველა ქალი და ვაჟი წაკითხულს, ბასობდენ
წაკითხულის შესახებ. საზოგადოთ ჩანდა, რომ წა-
კითხულის შინაარსი საკმარისათ შეევნოთ, რასაც
ხელს უწყობდა მკაფიო და შენეიერი კითხვა ბ. ნა-
ნეიშვილისა და კლაძისა; უკანასკნელმა, სხვათა შო-
რის, შეენიერათ წაკითხვა ზეპირათ ბარათაშვილის
მერანი. აი, ამისთანა საზოგადო კითხვების გამართვა,
რომელიც შეადგენს კვირა-უქმე დღეებში სასარგებ-
ლო და სასიამოვნო დროს გატარებასაც, შეუძლია
სოფლათ ყველას, ვისაც კი სურს სამსახური გაუწი-
ოს თავის ხალხს.

* * *

სად. ხაშუჭი. აქაური რკინის გზის ექიმები მე ტის-მეტ უღიერათ ექცევიან ავთმყოფთ, რომლებ- ბიც რკინის გზის სამსახურში ითულებიან.


საწყალ ავთმყოფებს ძლივს აღირსებენ ხოლ- მე აფთიაქის გლეხას, მაგრამ ბევრ ჯერ წამალი არც კი აქვს მიღებული, რომ მალე ისევე დაჰკეტენ და გამოაცხადებენ: „წადით, ამაზე მეტხანს რომ ღია გექონდეს, ნება არა გვაქვს; ხეალ შეგიძლიათ მო- ხვიდეთო“. რასაკვირველია, თუმცა მეორე დ ეს ავთმყოფები დანიშნულ ვადაზე მიღან, მაგრან ისე- ვე გუშინდელი ამბავი განმეორდება და უნუგეშოთ ბრუნდებიან ხოლმე უკან. კიდევ კარგი, თუ კაცო მძიმე ავთმყოფი არ არის, სიარული შეუძლია. მაგ- რამ რას ვამბობ! აქაურ აფთიაქში განა მძიმე ავთ- მყოფს გარდა ვაბედავს ვინმე მისვლას? ვი, იმ ავთ- მყოფის ბრალი, რომელსაც ფეხზე დადგომა შეუძ- ლია და ავთმყოფობას გააცხადებს. მაშინვე გაშინჯ- ეის უმალ მიახლიან: „შენ ავთმყოფობას მიტომ იგონებ, რომ სამსახური გეზარებაო“. ამას შემდეგ მეტი გზა არ არის: ავთმყოფმა ან სამსახური უნდა გა- ნაგრძოს, ან არა და მხოლოდ მაშინ უნდა ვაბედოს აფთიაქში მისვლა, როცა ხელით სათრევი ვახდება. აი, ამიტომაც ხშირათ აფთიაქის დერეფანში, მტვრიან იატაკზე, ჰყრიან ავთმყოფები და თან ხენეზიან. სწო- რეთ საკვირველია აქაური მკურნალების საქციელი. ეს დალოცვილები თუ კი მძიმე ავთმყოფებს გარ- და არავის უწამლევნ, ორიოდე ტახტი მაინც დად- ვან, რომელზედაც ავთმყოფთ შეეძლოთ მოსვენე- ბა, ვიდრე ყურადღებას აღირსებდენ. გარდა ამისა სა- ჭირთა იმდენ კაცთ-მოყვარეობას მაინც გამოიჩენდენ, რომ ვინც უფრო მძიმე ავთმყოფია, იმას უფრო ადრე მიჰქეცენ ყურადღებას.

შეიძლება ვინმემ იფიქროს, რომ ამას ჩადან ხაზინის ერთგულობისთვის: არც წამალი დაიხარჯე- ბა და არც სამსახურს მოვაცდენთო. მაგრამ ასეც რომ იყოს, მაინც ვერაფერი ერთგულება და ხაზი- ნის შესამატია ავთმყოფების უყურადღებოთ მიტო- ვება და უწამლოთ სამსახურში გასტუმრება, რა სა- მსახურთა ისეთი ადვილი შესასრულებელი, რომ ავთმყოფისათვის ის საძინელო არ იყოს. ავილოთ, მაგ., გზის დარაჯი, რომლის ვალს შეადგენს, რამ- დენიმე ვერსის მანძილზე რკინის გზის ლიანდაგი ათვალიეროს და თუ გზა სადმე გაფუჭებულია, მა- შინ იმ გაფუჭებულ გზიდან უნდა გარბინოს რამ- დენიმე საყენი, მატარებელს წინ უნდა შეხედეს, ნი- შანი აჩვენოს, გაჩეროს და ხაფთას გადაარჩინოს. ახლა წარმოვიდგინოთ, რომ გზის დარაჯი ავთ არის,

თავბრუ ესხმება, მუხლები ეკეცება, და ამის გამო კი ზემოხსენებული ვალდებულობა ველარ შეასრუ- ლა. რა მოელის მაშინ მთელ მატარებელს, თუ არა დამსხვრევა. ახლა ვიკითხოთ, იქნება თუ არა ეს სა- სარგებლო ხაზინისთვის?..

იმედია, ამ გარემოებას ყურადღებას მიჰქეცენ.

სან -- ნაწი.



არა, არ მინდა!..



რა, არ მინდა სიცოცხლე ტანჯული გამწარებული, სული, შექვრთალი — დამფრთხი, დაგესლილ — დაშხამებული..

არ მინდა ენა მეტყველი — თუ არის დამუნჯებული, რას მარგებს გული გამტყდარი და გრძნობა დაქანგებული.

ფრთა შეკვეცილი ოცნება იმედი ვაცრუებული, ნდომა უძლოური, უღონო, გულს ჩაფლულ — ჩამიწებული.


ხმალი ყუთში გამტყდარი და მკლავი დაღუმებული, სატრფო სხვის ხელში, სხვის კარზე მდულარეთ ატირებული.

ჩემი ოჯახი და კერა აკლებულ — აოხრებული, მეგობარი და მოყვასი მიწასთან გასწორებული.

და სიკვამლე დამკნარი უღროვოთ მოხუკებულ- ქვეყნათ უაზროთ, უსაგნო ბედშავთ ატირებული.

ცოცხალი ეკო მკედარს ვკავდე
ზეზეულ ანდრძ გებული,
რას მარგებს მე ეს სიცოცხლე
წუწვი და გაძალღებული?

ქ. ზურაბიშვილი.



უ ც ხ ი ე თ ი დ ა ნ .

სო უეღ ი და სასოფლო სკოლა გერმანიაში

II

ს კ ო ლ ა .



ირველ წერილში მკითხველთ გაეუზიარეთ რამდენიმე ცნობა გერმანიის სოფლების შექმნაზე. ახლა ჩვენ გესურს გვეცნოთ იმავე სოფლების სკოლა. ამასთანავე ბოდიშს ეხბდი, რომ ამ წერილის გამოგზავნა უდროობის გამო ასე დაგვიგვიანდა.

ვერობაში საზოგადოთ ორ ნაირი ტიპის სახალხო სკოლა არსებობს. მოგეხსენებათ, ერთი და იგივე ერი სარწმუნოებით დაყოფილია: ერთია კათოლიკე, მეორე პროტესტანტი. მრავალ საუკუნოების განმავლობაში მათ შორის ბრძოლა და განხეთქილება იყო. დღეს ესენი შეერიბებულან საერთო ნაციონალურ და სამოქალაქო ნიადაგზე. მაგრამ პირველ დაწყებით სკოლის საქმეში კიდევ განკერძოებული ალაგი უჭირავთ. თითოეულ სარწმუნოების მიმდევართ თავიანთი საკუთარი სახალხო სკოლა აქვთ. გერმანიაში სამ ნაირი სკოლაა პროტესტანტთა, კათოლიკეთა და ებრაელთა, რომელნიც აშენებულია სხვა-და-სხვა ნარწეს-რიგზე, სხვა-და-სხვა ნაირი პროგრამით და ემორჩილებიან სხვა-და-სხვა დაწესებულებათა. გერმანიის უმრავლესობას პროტესტანტები, ანუ ლიუთერანები (თავიანთ თავს უწოდებენ „ევანგელისტებს“, ე. ი. სახარების მიმდევართ) შეადგენენ. ჩვენ მხოლოდ მათ სკოლებზე გვექნება ლაპარაკი. ამნაირათ, გერმანია სახალხო სკოლის ნიადაგზე დაყოფილა. მას არ აქვს ისეთი ნაციონალური სკოლა, სადაც ყველა გერმანელი განურჩევლათ სარწმუნოებისა პირველ-დაწყებით სწავლას ღებულობდეს. ეს კონფესიონალური სკოლაა. მეორე ტიპის სკოლას წარმოავიდგენს საფრანგეთი. 1883 წელს შემდეგ კონფესიონალურ სკოლები გააუქმეს და შემოიღეს ყველასათვის ერთი ნაციონალური სახალხო სკოლა (ქრულ ფერის რეფორმე-

ბი), რაიცა მდგომარეობს შემდეგში: სასწავლო საგნებიდან სრულებით განიღვენა სამღვთო სჯული, რაც ასე ყოფს ერის სხვა-და-სხვა ნაწილს და სამაგიეროთ შეტანილ იქნა სწავლა ზნეობის შესახებ, რაც ყველა სარწმუნოების კაცსათვის ერთი და იგივე უნდა იყოს. საღვთო რჯულის სწავლა მიენდოთითონ შშობლებს: თქვენი შეილი რანაირი სარწმუნოებაც გსურთ, იმაში განავითარეთ, გინდ სრულიად უსარწმუნოებოთ დატოვეთ, ეს კერძო საგანია და საზოგადოებას, სახელმწიფოს სინდისის საქმეში არავითარი ჩარევის ნება არ აქვსო. მეორე მხრით, წინ წამოაყენეს ის აზრი, რომ ყველა ფრანგი, რა სარწმუნოებისაც უნდა იყოს, უწინარეს ყოველისა ფრანგია, საფრანგეთის მოქალაქეა, საფრანგეთის ერის სისხლი და ხორცია. ამ აზრის ხალხში ჩანერგვა და განმტკიცება სახალხო სკოლის საქმეა. მაგრამ რადგანაც ამის შეგნებას ხელს უშლის კონფესიონალური სკოლა, რომელიც აშენებულია იმის მიხედვით, თუ ვინ რა ერის და გეოგრაფიისაა, ამიტომ მოისპოს ეს განმაცალკეველები სკოლა და დაარსდეს ერთი ნაციონალური სახალხო სკოლა. ეს კი შესაძლებელია მხოლოდ მაშინ, როცა სადაცო საგანი—სარწმუნოება—სკოლიდან გამოირიცხება. ამით სასულიერო წოდების სკოლაო ყოველივე გაეღვნა დაეკარგა: პირველ-დაწყებითი სწავლა ერთიანთ გაქალაქდა. ამ ტიპის სკოლა მხოლოდ საფრანგეთში არსებობს, გერმანიაში ის სანატრელ, სატრუიალო საგნათ გამხდარა. მასწავლებლები და დემოკრატიული პარტიები მის შემოღებას მეცადინეობენ, მაგრამ ამათ, მისი განხორციელება გერმანიის ღღვეანდელ პოლიტიკურ წყობილებაში ყოველად შეუძლებელია. რაკი გერმანიის სახალხო სკოლა სარწმუნოების ნიადაგზე დგას, ცხადია ის ერთიანთ სამღვდლოების ხელში უნდა იყოს. სკოლამ უნდა აღზარდოს ამა თუ იმ სარწმუნოების მართლ-მორწმუნე მიმდევარი, მაგრამ, მეორე მხრით, ღღეს საღვთო რჯულის ცოდნით ცხოვრება ყოველად შეუძლებელია, ცხოვრება გაქალაქდა და გართულდა, ვისაც ამის შესაფერი ცოდნა არა აქვს, ის უთუოთ ცხოვრებაში დამარცხდება. მაშასადამე, სკოლამ უნდა შეიარაღოს აღმანი არსებობისათვის საბრძოლველათ. აი, ეს ორი დანიშნულება აქვს გერმანიის სკოლას. ეიურტემერგის სახალხო განათლების ღღებულება ამბობს: „სახალხო სკოლის მიზანია ახალ-გაზღზობის რელიგიურ-ზნეობრივი განვითარება და სამოქალაქო ცხოვრებისათვის გამოსადეგი საზოგადო ცნობების მიცემა“. (მუხლი 79). ამისათვის სწავლის არსებითი საგანია: მოძღვრება სარწმუნოებასა და ზნეობაზე, კითხვა წერა, გერმანული ენა, ანგარიში და სიმღერა (იქ).

სწავლის კურსი შეიდი წელიწადია, ბევრი 7 წლიდან თოთხმეტ წლამდე სკოლაშია. ხშირათ ექვსი წლისა-საც სკოლაში აძლევენ, ეს იმ შემთხვევაში თუ ყმა-წილი საკმაოთ განვითარებულია ფიზკურათ. ხოლო კანონით სავალდებულო სწავლა შეიდი წლიდან იწყება. როგორც ქვევით დავინახებთ სწავლა სახალხო სკოლით არ თავდება, მას მოაკყვება საკერაო და გასაგებლებელი სკოლა (Fortbildungsschule), რაიცა აგრეთვე სავალდებულოა. სახალხო სკოლა შედგება ოთხი განყოფილებისაგან, პირველი განყოფილება ერთი წლის კურსია, ხოლო დანარჩენი სამი ორ-ორი წლის. ბევრმა ყოველივე საგანი ორჯელ უნდა მოისმინოს, ორჯელ უნდა ისწავლოს. პირველ წელს მკლეთ, მხოლოთ საზოგადო ცნობები, მეორე წელს უფრო ერკლათ და შეგნებულათ. პირველ განყოფილებაში სხედან ახალ-შემოსული — 7 წლის ბავშვები, მეორე განყოფილებაში 8 და 9 წლისანი, მესამეში 10 და 11 წლისანი, მეოთხეში 12, 13 და 14 წლისანი. პატარა და დიდები, ახალი და ძველები ერთათ არიან, ამიტომ რომ სწავლის დედა-ბაძი — ორჯელ სწავლა — შესაძლებელი შეიქნას. მაგ., 8 წლის ბავშვისათვის სრულებით ახალია ის, რასაც მეორე განყოფილებაში ასწავლიან, ხოლო 9 წლის ბავშვისათვის სრულებით ახალია ის, რასაც მეორე განყოფილებაში ასწავლიან, ხოლო 9 წლის ბავშვისათვის სრულებით ახალი არ არის, იგივე საგანი წინა წელს მოისმინა და რამდენიმე წარმოადგენა უკვე აქვს. ხოლო ახლა იმავე საგანს ერკლათ ისწავლის და მის სწავლას ყურს უგდებენ პატარები, რვა წლისანი, ასე რომ ამათაც საზოგადო ცნობები დარჩებათ და შემდეგ წელს უფრო ადვილათ შეითვისებენ. მთელი სწავლა ამ საძირკველზე დგას (გარდა პირველი განყოფილებისა). ორჯელ გაგონება და შეთვისება პედაგოგის საფუძველია. უამისოთ არ არის პირველ-დაწყებითი სკოლა.

სახალხო სკოლა არის ერთ კლასიანი, ორ კლასიანი და მრავალ კლასიანი, ანუ ერთი მასწავლებლით, ორ მასწავლებლით და მრავალ მასწავლებლით. ეს დამთკიდებულია სოფლის სიდიდის და მოსწავლეთა რიცხვიდან. სოფელი, რომლის მცხოვრებნი 400—500 სულს არ აღემატება, ერთ კლასიანი მასწავლებლითაც იოლათ მიდის, ცოტა მოზდილ სოფლებს ორი და მეტი კლასიანი მასწავლებელი აქვთ. 90 მოწაუგზე უნდა იყოს ორი მასწავლებელი, 180-ზე სამი, 270-ზე ოთხი და სხ ღარიბ სოფელს სახემწიფო აძლევს წლიურ დახმარებას. შეიძლება, ორი მასწავლებელია საჭირო, მარა სოფელს შეუძლებლობის გამო შედამეტო ხარჯის გაღება არ შეუძლია, მაშინ ხაზინა აძლევს მეორე მასწავლებლის

ჯამაგირს. ხშირათ ერთი კლასის შენახვაშიც ხაზინა ეწევა

ჩვენთვის საინტერესოა, რასაკვირველია, ერთ და ორ კლასიანი სკოლა. უკანასკნელს შეადგენს დიდი უმრავლესობა პირველი მივარდნილ სოფლების კუთვნილებათ შექმნილა, ხოლო მრავალ კლასიანი, ასე ვთქვათ, გაქალაქებული სოფლებს საკუთრება, იქ სადაც მეტი შეძლება და ფული ტრიალებს, მაგ., ს. კალმახში ¹⁾ 1910 სული მცხოვრებია, სკოლა კი ხუთ — მასწავლებლიანია და ერთი კიდევ ქალი, რომელიც მოსწავლე ქალებს ხელ-საქმეს ასწავლის. უფროსი მასწავლებელი 70 წლისაა, 40 წელია რაც ამ სოფელში მასწავლებლობს, რის გამო შარშან მთელ სოფლის მონაწილეობით დიდი იუბილეი გადაიხადა. ჩვენ მივედით სწორეთ ამ დღესასწაულის მეორე დღეს და იუბილიარმა გადმოამიწყო სხვა-და-სხვა ევრცხლის, ოქროს და სხვა საჩუქრები, რომელნიც სოფელმა, ძველმა და ახალ მოსწავლეებმა, და სხვა-და-სხვა ნაცნობ მეგობრებმა, უძღვნეს. მე ვთხოვარი: ჩვენში სოფლის საშუალო მასწავლებლის მასწავლესაც წილათ არ ხედებათ ასეთი იუბილეი მეთქი. მან გაიცინა და მითხრა: ჩვენში ეს ასეა, ამდენი ხანია ეშრომობ, თითქმის მთელ სოფელს ჩემგნით უსწავლია, და ამას სოფელიც აფასებს, რასაკვირვოა; პირველ მოსულს ამას არ უხამენ; ჯერ საჭიროა თავდადებული შრომა, ნაყოფის მოტანა და მერე პატივისცემასაც მოიპოვებო. შეძლებული სოფელი მეც დინებობს, რაც შეიძლება მეტი მასწავლებელი იკოლიოს, ისე რომ თითოეულ განყოფილებას თითო მასწავლებელი მიუჩინოს. ამ შემთხვევაში საკნები იუივე რჩება, რაც ერთ-კლასიან სკოლაში, მარა ძლიერ ერკლათ და შინაარსიანათ გადიან. სწავლის ოფიციალური გეგმა იცვლება თანახმათ სკოლის ადგილობრივ პარობებისა. აგრეთვე ზოგ ალავას ქალთ და ვაჟთ აცალკევებენ და მათგან ცალკე განყოფილებას ადგენენ. ყველა ასეთი ცვლილება დამოკიდებულია ადგილობრივი გარემოებებისაგან, რის შესახებაც ქვევით ერკლათ მოვილაპარაკებთ.

ნ. ყოჩნია.

(შემდეგი იქნება)



¹⁾ აქ ვასახელებთ მხოლოთ იმ სოფლებს, რომელნიც პირველ წარბეჭდში მოქვისენიეთ.

პარმონიული ეტიუდი.

(კრიტიკა)

„ბეზა, რადა მკლავზე“ შ. ანაგვისპირელის, „მოამბე“, № VI, 1896 წ.

მივაქცევ მკითხველის ყურადღებას „მოამბის“ უკანასკნელ ნომერში დასტამბულ ბ-ნ შ. არაგვისპირელის ეტიუდზე. სათურათ აქვს „ბეზა, რადა მკლავზე“ ცოცხალი პატარა სურათა, ანუ, უკეთ რომ ეთქვათ—ორი სურათი, გრძობით, ხელოვნურათ დანატული. ავტორმა დაგვიხატა ლამაზი პარალელი ჩიტებისა და ადამიანთა სიყვარულისა. მოქმედება ბალში წარმოებს. ოთხი მოქმედი პირია პირველ სცენაში: წყვილი ჩიტუნია და წყვილი ქალ-ვაჟი. ჩიტები სიყვარულზენ ხეების ტოტებზე, ადამიანები კი ამ ტოტებს ქვეშა. პირველ სცენაში ამ ორ-წყვილთა შორის მწყობრი თანხმობაა, მხატვრული ჰარმონიაა, და ამ ჰარმონიაში ბუდობს ავტორის ცოცხალი ნიჭი. ბუნების ჰარმონიის გამოსახვა—პოეტის ღირსებაა, მხატვრობის საიდუმლოა.

ბრძენმა გვაუწყა: „ქვეყნიერება დიდებულ ცისარტყელასავით არის ჩვენ თვალ-წინ გადაშლილი, მისი შემომქმედი მზე კი უჩინარია ჩვენთვის, ჩვენს უკან იმალებოა“.

მხატვრობაზედაც ვგვევ ითქმის: ჩვენ თვალ-წინ ეჭვრეტ მხატვრობის შექსა, ხოლო ვერ ვხედავთ მზესა, მის შემომქმედსა.

კრიტიკოსი ვერ მივითითებთ, ვერ გაჩვენებთ იმ ცხოველს კერას, რომელიც მხატვრობის ნათელსა და სითბოს მოჰფენს კაცობრიობას. კრიტიკა—წმინდა შუშაა, ბროლია, რომელიც მხატვრობას შუქს თავის გულში გაატარებს ხოლმე, დაარღვევს ამ შუქსა და აჩვენებს ხალხს, რა და რა ტურფა, ფერად-ფერადი სხივებიდან არის შემდგარი მისი ბრწყინვალე ძლიერება და საღ „ახლავს ამ სინათლეს ბნელი“.


დაუბრუნდეთ ახლა ჩვენ ეტუდს და შიგ მოცქერილ ტრფიალთ. ლეო დატრიალებს თავის თინას და ბედურა თავის ბედურინას და, როგორც ვიცით, ამ ორ წყვილთა შორის სრული კავშირი, ნათესაობაა სულისა და მოქმედებისა.

სულდამუღოთ კავშირი, ერთგვარობა, ნათესაობა—შემომქმედის დიდებული აზრია. ვინ იცის, იქნება ამ კავშირმა, ამ ნათესაობამ აიყენა ადამიანი იმ მაღალ ხარისხზე, რომელზედაც ის დღეს დგას. ადამიანი—ბუნების განხორციელებული აზრია, ბუნების ხორც-შესხმული ფილოსოფიაა. ადამიანს ისეთივე

ადგილი უჭირავს ბუნების მოვლენათა შორის, როგორც მის ფილოსოფიას მეცნიერებათა შორის. ადამიანი—სული და გულია ბუნებისა, ფილოსოფია—სული და გულია მეცნიერებათა. ფილოსოფია იკვლევს და ხსნის მეცნიერებათა შორის თანხმობას, დედა აზრს, იღვას, უმაღლესი აზრის შუქით განათებულია, ადამიანი—ხორც-შესხმული თანხმობა ბუნების მოვლენათა, უმაღლესი განების, აზროვნების შუქით შემოსილი. ბუნებამ შობა ადამიანი და მათ შორის მამა-შვილური სიყვარულია დამკვიდრებული, და ამ სიყვარულს უღვიძებს, განწმენდს,



ახალ-გვინეის კუნძულის მთავარი.



დასაფლავება ახალ-გვინეის კუნძულზე (ავსტრალიაში).

უწერთის და ასწავლის ადამიანს — მხატვრობა, პოეზია. ხალხლო მხატვრობა — პოეზია ყოველად შემდლებელი ღმერთი არ არის: მას არ შეუძლია ახალი გრძნობის შექმნა და დანერგვა ადამიანის სულსა და გულში. მას იგივე დაერქმის, რაც ბრძენმა სოკრატემ თავის ფილოსოფიას დაარქვა: მხატვრობა — პოეზია ადამიანის სულის მხოლოდ ბეზია და გამდელი. მხატვრობა შევლის და



კაფრის სოფელი (აფრიკაში).

ხელს უწყობს ადამიანის სულის ძეობას, შეილონობას და ზრდის ამ სულის ნაშობს. და ადამიანმა შეიყვარა მხატვრობა — პოეზია, როგორც თვისი მოსიყვარულე, ჰუმანური, უნაგარო, აღმზრდელი, მას და ბუნებას შორის ერთ გეგობის, განუწყვეტელი კავშირის, მწყობრი ჰარმონიის მაჩვენებელი. ეს არის მხატვრობის ღირსება და საიდუმლო. და ეს საიდუმლო ტრიალებს ბ-ნ არაგვისპირელის ტრფილთა შორის.

აეტარმა ამოიღო თვის გულის სიღრმიდან ორი პაწია ჩიტუნია, გადაგვიშალა თვალწინ ხენილების დაფოთლილი ტოტები, შეაფრინა შიგ ჩიტუნები, ამოიყვანა შემდეგ იქიდანვე ყმაწვილი ქალ-ვაჟი, შეუშვა ისინი ბაღში, და ეს ოთხივე სულდგმული აცქრილა და ააკიკიკა თანხმით და საყვარლათ და ჩვენ, მაყურებლებსაც, გულა აგვიკიკუკა და აგვითამაშა. როგორ და რათ მოხდა ეს ჩენი საერთო თამაში და მხიარული კიკიკი? ქალ-ვაჟს დავეთხოვოთ, და რა არიან ბელურები ჩენი და რა ვართ ჩვენ მათი? აეტარი პირდაპირ არაუფერს გვეუბნება ამის შესახებ: მან მხოლოდ გააღვიძა ჩენ გულში გრძნობა ცოცხალი, და ეს გრძნობაა ჩენი პასუხის მომგები. იგი გვეუბნება, რომ ბელურები, ქალ-ვაჟი და ჩენი გული მხოლოდ სხვა-და სხვა კილოსი და ღირსების 'ნიმეზია ბუნების ქნარზე, ხმოვანება კი მათი მწყობრათ მუსიკობს.

„Il n'y a rien de sale dans la nature“ *) გვეუბნებიან ფრანგები და გვიტყვიცებს ბ-ნი არაგვისპირელი და ჩენი საკუთარი გრძნობა. სრული ქვემარტებაა. ბელურების და ქალ-ვაჟის ცოლ-ქმრობაც უბიწო იყო: ამას გვიმოწმებს აეტარის წმინდა განზრახვა და მით გამოწვეული მკითხველის გრძნობა. მწერლების ერთი დარგი, ცოლ-ქმრობის საიდუმლოს რომ მოგვითხრობს, თან ტუჩებს აცმაცურებს და თვალს გვიშვრება ხოლმე და, ხომ მოგვხსენებთ, რომ ამკვარი თვალი და ტუჩების ტკბარუნება ტკბილი და გადამდები რამ არის. თუ მხატვრობამ მტკიცე კანონათ არ დაიდგა ზნეობრივი მცნება: „მარცხენამან შენმან არა იცოდეს, რას მოქმედებს მარჯვენა შენი“, ვერაფერ ხეის ვერ დააყრის ქვეყანას. ზოგერთი მხატვარი კი, თავისი მარჯვენით მაგალითათ ტურფა მშეთ-უნახავის სპეტაც გულ-მკერდს რომ გვიხატავს, თვის მარცხენას, თითქო თვის შეუმწინეულათ, ზედ აფათურებს ხოლმე. ხელების ფათური და ტუჩების ცმაცური კი ერთი დედ-მამის შეილები გახლან და ქვეყანაში უმისოთაც სახელი შორს აქვთ გავარდნილი.

მხატვრობას უნდა მოჰყენდეს უტუქს განზრახვა წმინდა, ვით ნათელი დღე, მხოლოდ მამინ შეუძლია მას მხატვრულ-ზნეობრივი გავლენა იქონიოს კაცობრიობაზე.

*) ბუნებას ბიწი არ სსლავსო.

ბ-ნი არაგვისპირელი არ ეკუთვნის იმ მწერალთა გუნდს, და ამიტომაც არის, რომ მისი ეტიუდის პირველი სცენა ისევე მუსიკალურათ თავდება, როგორც მუსიკალურათ დაიწყება და მიმდინარეობდა. ორივე ცოლ-ქმარი, ბელურება და ყმაწულები, ეით მუსიკის ხმები დევდენ, დაცქრიანდებდენ და დაქიქებიდენ ერთმანეთს, და ცოლ-ქმრული პიესა დაასრულა ლამაზათ, წმინდათ, სრული ჰარმონიული აკორდით.

რა მოხდა შემდეგ? „ტა-ტა-ტა-ტა, ტა-ტა-ტა-ტა!“ მკახეთ დაჰქლივლა ბელურამ და მტრულათ დაუხებდა მისკენ მომავალ თინას. არსად ჩანს ლეო. პირველი სცენის მცინარე ზეცას უეცრათ რაღაც პირ-ქუში ღრუბელი გადაეფარა. დრონი იცვალენ. თინას ნეტარების მზე დაუბნელდა, ჩიტებს კი ლამაზი ბუდე გაუყუთებიათ, ბარტყები გამოუჩნეიათ და საყვარლათ დაჰკრთიან და თავს ევლებიან იმათ. თინა კი თითქო იმათი ბედნიერების დასარღვევათ არის მეორე სცენაში გამოსული და ჩიტები მტრულათ იგვრებენ საცოდავს. ქალს გაეცა მისი ეაჟი, თინას გაეცა მისი ლეო და დატოვა იგი ობლათ და უნუგეშოთ; ცოლ-ქმარი ჩიტები კი დაჯჯახიანდენ, დაწერალშვილდენ და მათი პაწია ბუდე—სიყვარული-სა და ნათელი ბედნიერების ბუდეა.

აქ, მეორე სცენაში, პოეზიის მეორე ძალა მუშაობს—მხატვრული კონტრასტი: ცხოვრების ორი წუთის, ორი მომენტის წინააღმდეგობა, და ამ კონტრასტის შედეგი, მისი ნაშობი—მინც ნათელია თუმცა მწუხარე, მაგრამ მინც წმინდა და უმწიკვლოა როგორც პირველი სცენის ბედნიერი შუქი. ამ კონტრასტის მძლავრი მოქმედება იმაშია, რომ პირველი სცენის ნეტარებას არღვევს ადამიანი, უმაღლესი გონიერებით და უწმინდესი გრძნობებით შემოსილი არსება. ლეომ უღალატა თავის ორსულ საცოლოს, ჩიტუნთას ქმარი კი თავისი ცოლის ბუდეს დარაჯობს და მის მტერს იგვრებს. დაეცა ადამიანის ღირსება, „წაეცხო ჩირქი ტაძარსა წმინდას“ და ბუნების ჰარმონიის დამცველათ დარჩა მხოლოთ პატარა, საცოდავი ჩიტი. მეორე სცენის აზრი და მნიშვნელობა ამ მომენტშია გამოხატული. მწუხარე გრძნობას უღვიძებს ეს სცენა მკითხველს, მაგრამ რაღაც უცნაური მანქანების ძალით ეს გრძნობა თითქო მკურნალ ნაღველათ არის გადაქცეული. სად იმალება ამ საიდუმლოს კლიტე, ამ გამოცანის ახსნა?—ღრმა მწუხარების სცენა იმავე დროს რაღაც უცნაურ სიამონებას ჰგვრის მკითხველს; მის სევდას თითქო რაღაც სიტკბო ურევია; უიმედობის სურათი რაღაც იმედებს უღვიძებს გულში. ეს საიდუმლო მხატვრობის საიდუმლოა. მხატვარმა ნათელთან ერთათ და-

გვიხატა ბნელი და დაგვიხატა ისე, რომ მით უფრო ცხადათ, უფრო თვალ-საჩინათ დაგვანახა ნათელის ბრწყინვალე ძლიერება და ადამიანის გულში დაბადების კეთილი მკურნალი—ბოროტების წინააღმდევი პროტესტი; და ამ პროტესტის ძალა—ნათელის ნაშობია, მისი მკვიდრი შვილია. ამ ნათელში დაამტკიცა ქრისტემ თვისი ტაძარი, „რომელს ვერ დაამბობენ ბქენი ჯოჯოხეთისანი“, და მხატვრობაც ამ წმინდა ტაძარს ემსახურება, ემსახურება იმ უღიდესი პოეტის აღთქმას, რომლის სახელი იყო—იესო ქრისტე.

იქ, ეტიუდის პირველ სცენაშია მეორე სცენის გასაღები—კლიტე. იქ, იმ ბუნების ჰარმონიაში მოჩუბნულებს ცხოვრების წყარო, რომელმაც მორწყა მეორე სცენა და მხატვრობის დაუშრეტელი ძალა შეგვატყობინა. ამ ცხოვრების წყალს ჰქვია ადამიანური, ჰუმანური სიყვარული, და ეს სიყვარული შეგვატყობინა ჩვენმა ავტორმა, სიყვარული ნაღველნარევი, წუთი-სოფლის სიყვარული სურათით შეწუხებულ, მაგრამ მანც იმდენათ ძლიერი, რომ რაღაც იმედებს გვიხატავს მომავალში. ეს იმედები მხატვრობის ძალაა, მისი სიტყვების, მისი სურათების კილო, ტონი, ის შუქა, რომელიც, ავტორის შეუმჩნეველათ, ყოველ მის სურათს ევინება ხალმე, და ისე აშვეენებს მის ნაწარმოებს, როგორც ღიმილი—ადამიანის სახეს.

პირველი სურათის ბედნიერი ღიმილი მწუხარების ღიმილათ შერცვალა, მაგრამ ორივეს მინც სიყვარული ჰქვია სახელათ და ეს სიყვარულია ქვეყნის მაცხოვარი.

ავტორმა ჩაგახედვინა ბედ-შავი თინას გულში და დაგვანახა შიგ სამწუხარო აურ-ზაურის სურათი. წმინდა გრძნობათა მანქანას ცხოვრებამ თვისი ტალახი შესტყორცა და მისი ლამაზი მოქმედება შეაფერხა, მისი მწყობრი ჰარმონია მოშალა. თინას გული ახლა სნეული გულია და მას მთელი ქვეყანა შეძაგდა. საღი, მძლავრი და მხიარული ძარღვის მაგიერათ ახლა შხამი ცოცხლობს და ჰვეთქს ამ გულში და თინას წუთი-სოფელი დაშხამულია მისგან აღარაფერი ახარებს თინას. ბუნების ღიმილი და სტენეა-ტიკტიკი პირველ სცენაში—თინას გულის ზეიმი იყო, და ისე ეწყობოდა ამ გულის მღერას, „ეით მუსიკა ქალწულის ხმასა“. ახლა კი ამ გულში სიკვდილი დაბუდებულა და გარშემო ყველაფერს სიკვდილის ფერი ადევს. გაბოროტებულმა თინამ კინაღამ არ ააოხრა, კინაღამ ფეხით არ გასრისა „უშნო, ყვეთელ-ნისკარტიანი ბლარტები“. ეს სიტყვები თინას გულის შხამით არიან დაწერილი.

თინამ დახუჭა თვალები და წუთის ოცნებამ

ისევ ფრთები გააშლივინა საბრალოს, ცხადმა კი იმ წამსვე შეუკვეცა ეს ფრთები და მიწაზე ჩამოაყრევინა.

ასე დასრულდა სულის-მთრგუნავი, სიყვარულის შუქით მოსილი, მწუხარების სურათი.

დიდებულ ი ინგლისელი ფილოსოფოსი — მხატვარი, „ჩვენი დროის წინასწარმეტყველი“ კარლეილი, ასე გვიხატავს ჩვენი რჯულისა და ჩვენი ცხოვრების სურათს. „იცი, რა არის სარწმუნოება მწუხარებისა? — მ-სი ტაძარი, ამ თერამეტი საუკუნის წინათ ამართული, დღეს ნანგრევია, ხევდრი ეკალთა, ბუთა და ქვემძრომთ ბნელი სამკვადრო. მაგრამ ნუ გეშის! — შებედე შიგა: იქ ერთ ბნელ, ნანგრევით გადათალულ პატარა კუთხეში შენ ნახვე კიდევ საკურთხეველსა და მის ღვთიურს, საუკუნოთ ანთე ბულ ლამპარს“.

ეს ლამპარი ადამიანის გულშია ანთებული, და მას ჰქვებავს სიყვარული და მისი წმინდა მოციქულის — მხატვრობა: — პოეზია.

ა. ნაკაშიძე.



სურნალ-გაზეთებიდან.

ახალი კონსტიტუცია კუნძულ კანდაიზე (კრიტზე).

იდი ხნის უმოწყალო და სასტიკ ბრძოლას შემდეგ სუოტანი დათანხმდა კუნძულ კანდაის მკტ. ვრცობათვის კონსტიტუციის მინიჭებაზე. აი, უმთავრესი მუხლები ამ კონსტიტუციისა.

1) სულტანი ნიშნავს ევროპის სახელმწიფოთა თანხმობით, 5 წლის ვადით, ლენერალ-გუბერნატორის ქრისტიანეთაგან.

2) ლენერალ-გუბერნატორს აქვს უფლება veto (აკრძალვა) დაადვას საერო კრების განაჩენს და ადგილობრივ კანონების მოქმედებას. თვით კონსტიტუციის შეცვლას გარდა, რაც თხოულობს წინასწარ სანქციას სულტანისას, ახალი კანონები შედიან ძალაში ორ თვეს შემდეგ საერო კრების მიღებიდან.

3) არეულობის დროს ლენერალ-გუბერნატორს ნება ეძლევა ოსმალეთის ჯარები მოიხმაროს.

4) ლენერალ-გუბერნატორი ნიშნავს დაბალ სამხედრო მოხელეთ, სხვებს ნიშნავს თვით სულტანი.

5) ორი მესამედი აფიცრებისა საერო ჯარში

უნდა იყოს ქრასტიანი, დანარჩენს ნაწილის მხმადიანები უნდა შეადგენდნ.

6) საერო კრების არჩევნები ხდება ყოველ ორ წელიწადში ერთხელ. საერო კრება განავებს ბიუჯეტს (ხარჯთა აღრიცხვას) და არჩევს ლენერალ-გუბერნატორის წინადადებათა. კონსტიტუციის კანონების შეცვლისათვის საქირთა ორი მესამედი ხმის უმეტესობა. თუ არა საერო კრების ძალით, ისე არავითარი კანონის შემოღება არ შეიძლება.

7) ბიუჯეტს გაღიდების შესახებ წინადადება არ განიხლება, თუ ის არის შეჯანილი ლენერალ-გუბერნატორის მიერ, ან და აღმინისტრაციული რჩევიდან.

8) ძალაში შედის 1887 წლის ფარმანი იმის შესახებ, რომ საბაჟო გადასახადთა ნახევარი ნაწილი იხმარებოდეს კუნძულის სასარგებლოთ. პორტა ღებულობს თავის თავზე იმ ხარჯის გადახდას, რომელზედაც საერო კრება არ დაეთანხმება.

9) ქანდაზმერია უნდა მოაწყოს კომისიამ, რომელში მონაწილეობას ღებულობენ აგრეთვე ევროპის აფიცრები.

10) სამოსამართლო საქმის გაუმჯობესობა მიენდობა კომისიას, რომელშიაც ღებულობენ მონაწილეობას აგრეთვე უცხოელი იურისტები.

11) ლენერალ-გუბერნატორი, კანონების თანახმით ნებას აძლევს წიგნების და გაზეთების გამოცემაზე და სამეცნიერო საზოგადოებათა შედგენაზე.

12) ემიგრანტებს აფრიკიდან შეუძლიათ დასახლება კუნძულზე გუბერნატორის ნებართვით. უცხოელებს უფლების დაურღვევლათ, ლენერალ-გუბერნატორს შეუძლია განაძეოს კუნძულიდან ის პირები, რომელთაც ცხოვრებისათვის საშუალება არ მოეპოებათ და საზოგადოებისათვის მავნებელი არიან.

13) საერო კრება შეუდგება თავის მოქმედებას ექვსი თვე რომ გაივლის ამ დათმობის დამტკიცებას შემდეგ. არჩევნები უნდა მოხდეს 1888 წლის კანონის თანახმით, ჯერ-ჯერობით კი ლენერალ-გუბერნატორი გამოცემს დროებით განკარგულებებს ამ დადგინებათა შესასრულებლათ.

14) სახელმწიფოები თავდები არიან ამ დათმობათა განხორციელებაზე.

ამას წინეთ ჩვენ მოხსენებული გექონდა რომ სახელმწიფო საბჭოში წარდგენილია პროექტი სამხედრო ბეგრის შეღავათის შემცირების შესახებ. იქვე ვამბობდით, რომ ყველაზე უფრო ამ პროექტის წინააღმდეგი გახდა ფინანსთა სამინისტრო, რომელმაც ამაზე ვრცელი მოხსენება წარადგინაო. აი, სხვათა შორის რა ცნობებია მოყვანილი

გაზ. „Недѣля“-ის სიყვით (№ 32) ამ მოხსენებაში განათლების შესახებ რუსეთში: „1867 — 1870 წლებში ორთა შუა რიცხვი იმ პირთა, რომლებიც უნივერსიტეტში სწავლას ამთავრებდნენ, მამობრივ სქესის საერთო რიცხვთან შედარებით შემდეგი პროპორციით გამოიხატებოდა: 1:42,000; 1879 — 1892 წლებში კ, ე. ი. 22 წელს შემდეგ 40,000 სულზე მხოლოდ ერთი ამთავრებდა სწავლას უნივერსიტეტში; ამასთანავე უკანასკნელ წლებში ამათი რიცხვი თანდათან კლებულობს. ასე, 1890 წელს სწავლა დაამთავრეს უნივერსიტეტებში 1793 კაცმა, 1891 წ. მხოლოდ 1838 და 1892 წელს სულ 1510 კაცმა. მაღალ სპეციალურ სასწავლებლებში ამავე არა სასამოცნო გარემოებას ენიშნაეთ. რაც შეეხება სახალხო სკოლებს, იქ სწავლა დამთავრებულთა რიცხვი თუცაღა გადიდა, მაგრამ აქ სწავლის დამთავრება კიდევ არ ნიშნავს პირველ-დაწყებითი განათლების შეძენას. იმ ჯარის-კაცების რიცხვიდან, რომლებიც 1889 — 1892 წლებში შევიდნენ სამსახურში, 71¹/₂ პროცენტმა წერა-კითხვა არ იცოდა; 1890 წელს ამ უკანასკნელთა რიცხვი თითქმის 82¹/₂% აღემატებოდა. ამნაირათ სახალხო განათლებაც ძლიერ უკანა ჩაპორჩენილი“ (Недѣля).



კარცერი და ტიკტორა.

ძველის ძველი ამბავი.

გუიღენი ჩემს მეგობარს ს. მ. კვ—ის.

II. *)



ასადილოდან შემადგეს პ-რ-და პირ ერთ დაბნელებულ პატარა ოთახში, რომელსაც თურმე „კარცერი“ ერქვა და რომელიც ბავშვების მოსაკვიანებლათ საუკეთესო იარაღათ მიიჩნდათ ჩვენ უფროსებს. ჯერ გონზე ვერ მოესულიყავი, რა დაემავე ან რა მომელის მეთქი, რომ უცებ კარება ჩამიკეტეს და მარტოთ მარტო დავრჩი ბნელ ოთახში. სული როგორც კი მოვიტყვი, ცხვირში ისეთი

აყროლებული კვერცხს სუნი მეცა, რომ კინა ღამ გონება დამებნა. წამსვე ჩემდა უნებურათ შემოვტრიალდი, „ვი დედა“ მეთქი დაეიყიერე და რაც ძალი და ღონე მქონდა, კარებს დავეჯახე. ბევრი ეაწეკი, ბევრი ვურტყი ხელები, მაგრამ მაინც ვერაფერი დაეაკელი. დაეიწყე კედელზე და იატაკზე ხელების ფოთალი, მსურდა რამე მენახა, რომ კარებისთვის მიმერთყა, მაგრამ სიახლოვეს არაფერი იყო და „შორს წასვლისა კი ძალიან მეშინოდა. დაეიწყე ყვირილი და ჯავრობა: ჩქარა გამიღეთ კარი, თორემ მთლათ დაეამტკრეე აქაურობას მეთქი. მაინც ხმა არაფერს გამცა. ხელები ერთიანათ დამებეჭა და ძალიანაც დაეიღალე. ვიკრძენი სისუსტე და უღონობა. დაეუწყე მამა ჩემს ყვედრება აქ მოყვანისათვის. — რათ ჩამადლო ასეთი კაცების ხელში, ნუ თუ ამდენათ აღარ ვუყვარდი მეთქი!.. და წამსკდა ცრემლების ნაკადული. თანაც გუნებაში გადაეწყვიტე, როგორც გამათავისუფლებენ, მაშინვე გაეიქცევი აქედან, და თუ ეს ვეღარ მოეხანჩხე, ხეალ რომ მამა ჩემი მოვა, უსათუოთ წაეყვებო, აქ არაფრის გულისთვის არ მოვიცდი მეთქი. — მაგრამ, თუ მანამდის არ გამამიშვეს აქედან რალა ექნა მაშინ? — გამიელვა უცებ თავში. — როგორ არ გამამიშვებენ, ეუპასუხე მევე ჩემს თავს. ხომ სული შემიგუბდა ამ აყროლებულ ოთახში და შეიძლება კიდევ გაეიგულო. მაშინ ხომ მაგათ უნდა აგონ პასუხი! — ეინუგვემე თავი, მაგრამ ამას სულ სხვანაირი ფიქრი დავართო: მერე მე რა! ჩემთვის უკეთესი არ არის „თუ გაეიგულები?“ ასეთ ტანჯვას გადავრჩები და მაგათ კი მამა ჩემი აყურებიანებს მაშინ სერის!.. ახლა იქ ჩემზე უფრო ყველაფერს, მაგ „მეგელს“ დაუჯერებს... — ღმერთო, შენი მუხლების კირიმე, აღრე გაათავისუფლებიე ჩემი თავი და თუ აქედან აღრე არ გამომიშვან, მაშინ ცოცხალსაც ნულარ გამომიყვან აქედან, რალა მაინც ჩემი სიცოცხლე, გულ მხურვალეთ ვევედრებოდი ღმერთს, მუხლებზე დაწოკილი და ცრემლები კი მოდიოდა ღ მოდიოდა. უცებ ფეხის ხმა მომესმა. ზედამხედველის ხმაც გაევიგონე. სწორეთ მათვისუფლებენ, გაეიფიქრე და წამოეხტი. გასადების ჩხრიალიც მომესმა. რაკი მაგათ ასე დამტანჯეს, მოდი ერთს მეც დაეტანჯავ მაგენს მეთქი. უცებ გამიელვა თავში. — ამასთან კიდევ მეორეჯერ რომ აღარ ჩამსვან, მოვიგონებ სიკვდილს, ერთს

*) ის. „კვადი“ № 37

შევაშინებ მაინც. ჩაეჯექი კუთხეში და თავი მოვიმკვდარუნე... კარები გაიღო.

— მიპატიებია დანაშაული. შეგიძლია გამოხედოდე. მე ხმა არ გავეცი, თუმცა ერთი გარეთ შეკუნტრუშება მთელ სიკოცხლეთ მიღირდა.

— შეხედეთ ამ უსირცხვილოს! აკი დაუძინია! დაუკეტეთ ისე კარები, იყოს სანამ გამოიღვიძებდეს.

— მე არ მძინავს! — წამომცდა უცებ.

— მაშ რატომ არ ინძრევია! დამიკვირა მან, წამატანა ყურში ხელი და გარეთ გამომათრა.

— ხომ ძალიან კარგი იყო? შემეკითხა ის დაცინვის კილოთი.

მე ხმა არ გავეცი.

— ჩანს არ მოგწონებია, გეტყობა ბევრი გიტორია. აწი ნულარ იეშმაკებ, რაც გითხრათ გავიგონე და აღარც დაისჯები. გესმის? თუ კიდე დააშვევ რამე, უარესი სასჯელი მოგელისო. დამეკადნა ის...

გაქცევა, რა თქმა უნდა, იმ დღეს ვეღარ მოვახერხე და მეორე დღეს კი მამა ჩემც აღარ მანახებს. როგორც მერმე შევიტყე მას უთხრეს თურმე: შენმა შეიღმა სახლში წამოსვლა აიჩემა და ამიტომ შენი ნახვა მისთვის ძალიან მენებელია. ბავში მთლათ გაფუჭდება, თუმცა ახლაც გადიდგუთებული და გაფუჭებულია... წარმოიდგინეთ, აქ პანსიონში, ღვინო მოითხოვაო...

მე კი მითხრეს: მამა შენი არ მოსულა და ამ ცოტა ხანში არც მოვა, შენი თავი ჩვენ ჩავაბარაო... რა თქმა უნდა, ეს ამბავი ძალიან მეწყინა. აქედან განთავისუფლების ერთათ ერთი იმედი მამის ნახვაზე მქონდა დამყარებული და ახლა კი ეს იმედიც გაიქრა. დავიწყე ტირილი, მაგრამ ამისთვისაც გაიწყარენ, — გაჩუმდი, სხვებს სწავლას უშლიო...

შევეცოდე მხოლოდ რამდენიმე მოსწავლეს. ისინი მოვიდნენ ჩემთან და თვისებურათ ვითომ კადეც ღარიგება მომცეს და კადეც მანუგემეს.

— უნდა მოითმინო, ხომ ხედავ ძალა მაგათ ხელშია. თუ გინდა, რომ ცოტა გული შეიმსუბუქო, შეგიძლია მამაშენს ბარათი მიწერო, ჩვენი თედორე გაუგზავნისო... მითხრეს იმათ.

ესეც კარგი რჩევა იყო. მართლაც დავიწყე ბარათის წერა: „მამილო! რათ მამიძულე! რათ ჩამაგდე სატანჯელში, ნუ თუ არ გებრალები. აქ მე მტან-

ჯავენ, მკლავენ. კაცების მაგივრათ აქ მხეცები ყოფილა. ზედამხეველო ნამდვილი მგელია, და სხვები კიდე უარესი. გუშინ სულ უბრალოთ აუროლებულ ოთახში დამამწყვდიეს, კინალამ მოკვლა. მიშველე რამე, შემობრალე“...

კიდე ბევრი რამე მსურდა დამეწერა, მაგრამ უცებ დააფრინდა ვილაცა ჩემ წერილს და ხელიდან გამომგლიჯა. მოვიხედე უკან და ტანში გამაჟრიალა. ჩემი წერილი თითონ „მგელს“ ხელში ეკავა. ზედამხედველმა წერილი მაშინვე წააკითხა სხვას და რომ შეიტყო მისი შინაარსი, მოვარდა ჩემთან... ბევრი მიყვირა, რა არ მითხრა, მაგრამ არაფერი მახსოვს, რადგანაც ამ წამში მთლათ ერთიანათ გაღმეხებული ვიყავი და ყოველივე მოსაზრების გრძობაც დაკარგული მქონდა.

უკანასკნელი მისი სიტყვები მაინც ჩამწედა გულში და საშინლათაც დამაღონა. — ამიერიდან არ გაბედო წერა მაგ ენაზედო! — მიბძანა მან, და სასტიკი სატანჯველც დამინიშნა.. მაღე აქაურ ტანჯვასაც შევეჩვიე, მაღე „კარცერიც“ აღარ წარმოადგენდა ჩემთვის აუროლებულს და სულის შემხუთველ ოთახს. შევეჩვიე ყველაფერ აქაურობას. თან ზოგიერთ მოსწავლეებსაც დაეუფებობდი და სწავლასაც ხელი მოკვდი. მაღე მეც ისეთი მორჩილი მოწაფე შევიქენი, როგორც საზოგადოთ სხვებ იყვენ. მეც, სხვებსავეთ გულში, ენით გამოუთქმელი სიძულელია მქონდა ჩახვეული ჩვენი უფროსებისადმი, და ყოველივე ღონისძებას ეხმარობდი, რომ მათთვის რამე სიკუდი მექნა, მე კი დაუსჯელი დავრჩენილიყავი. ჩვენ მოსწავლენი ცვდილობდით გაგვეგულისებინა „ისინი“, მიგვეყენებინა მათთვის რაიმე საწყენი, მოგვეტყუებინა, გამოგვესულელებინა და „ისინი“ კი სამაგიეროთ გესჯიდნენ ჩვენ იმით, რომ ხშირ ხშირათ „ერთს“ ან „ორს“ გვიწერდნენ, გეტოვებდნენ უსაღილოთ, გვაყენებდნენ სამარცხენოთ კუთხეში, ხან კიდე გვაჩოქებდნენ, არ გაძლევდნენ კვირა უქმე დღეს სასეირნოთ წასვლის ნებას, გვამწყვდედნენ „კარცერში“ და ვინ ჩამოთვლის კიდე რამდენ რამეს არ გვიშვებოდნენ... მე ყველაფერს ვითმენდი. ყველაფრის დაკლებასაც ცოტაოდნათ შევეჩვიე, მაგრამ ხან-და-ხან რომ სადილზე პირი გამოშვებოდა, აღარ დავმაღე, ჩვენი „ნუნუა“ მომაგონებოდა. რა თქმა უნდა, ახლა აღარ წამომცდებოდა:

„კუტიდან ლენის ამოღება დაგვიწყებათ-მეთქი“, მაგრამ ლენი რომ გამახსენდებოდა, მასთან ერთად სოფელიც მამაგონდებოდა. წარმომიდგებოდა თვალწინ ჩენი დარბაისელი ოჯახი, დედა, მამა, პატარა დაია, ძიძა, ჩენი სოფლის ბიჭები და გულიც სხვა-ნაირად ტოკვას დამიწყებდა...

კარგა ხანი გავიდა და სახლიდან კი არავითარი ახავი არ მომდიოდა. ეს, რა თქმა უნდა, კიდევ უფრო აძლიერებდა ჩემ ტანჯვას და სულის კვეთებას. არას დროს არ ვიფიქრებდი, თუ ჩემი მშობლები, ასე სხვის ანაბარად მიმატოვებდნენ და მერმე ჩემს ახვასაც აღარ იკითხავდნენ. ბოლოს ველირსე მამა-ჩემისაგან წერილს. აფხაზთქალდი სიხარულისაგან, მაგრამ წერილი ისეთი შინაარსის გამოდგა, რომ მისმა წაკითხვამ მთლათ ჩამიშხამა ის საიმოვნება, რომელიც წერილის მიღებაზე ვეგრძენი. მამა მწერდა სხვა-თა შორის: „შვედტყე თურმე შენ ეშმაკობ, უფროსებს არაფერს არ უჯერებ და ამისათვის ხან-და-ხან კიდევ გსჯიან. სირცხვილი არ არის ჩემთვის, რომ ჩემი შვილი უხეიროთ იქცეოდეს!.. ტყუილათ თავის გამართლება არ დაიწყო. კაი ცხენი მათრახს არასდროს არ დაიკრავს, არც კარგი მოსწავლე მიიყვანს საქმეს იქამდის, რომ მას სასჯელი მიაყენონ. ერთხელ დაგტუქსავენ, მეორეჯერ დაგსჯიან და მესამეჯერ თუ რამე დაშავე ქე გამოგაბუნძულებენ სკოლიდან. სად აპირობ მაშინ წასვლას? სადაც გინდადეს იქ წაბრძანდი და ჩვენ კი თვლით არ დაგვენახვო. ან კი რათ გვინდებხარ? რათ იფარგებ მაშინ? უკანასკნელი რომაა, ღორის მწყემსათაც არ იფარგებ და თონხა ხომ სად შევიძლია, ამას დაჩვეული არა ხარ. მამა-პაპეული ადგილის იმედი ტყუილათ ნუ გაქვს. სანამ შენ გაიზდებოდე, ყველას მოვალეები გაიტაცებენ. ახლა იპისთანა დროში ვართ, რომ ჩენი ხსნა სწავლაზე არის დამოკიდებული. კარგათ ისწავლი, კაცი გამოხვალ. შენ თავსაც სარგებლობას მოუტან, ოჯახს და ქვეყანასაც. არ ისწავლი და მაშინ ვაი შენი ბრალი, შენისთანა საწყალი ქვეყანაზე არავინ იქნება, მთელ სოცოცხლეს სიმწარეში გაატარებ.. შენ იქნები მაშინ ქვეყნის ბარგი. ბაღანაი აღარ ხარ! ჭკუით იყავი. თუ კარგათ ისწავლი საშობაოთაც წამოგიყვან სახლში და შენი ნახვაც მესიამოვნება და თუ არ ეცდები და ან ღმერთ-

მა დაგიუროს, მაქედან გამოგადგეს, მაშინ ათასჯერ მირჩენია ჩემმა თვალებმა ცოცხალიც აღარ გინილონ...

პარტიკი კოტუა.

ქ. ოდესა.

(შემდეგი იქნება)

ჩუდაქორ-გამოძეპელი ან. თ.-წერეთლის.

მეორე შინაგანი სესხის მომგებიანი ბილეთები ამოვიდა ტირაქში: 15613, 19936, 7990, 8854, 10258, 15982, 18081, 12556, 1848, 5205, 11903, 6858, 2133, 15548, 746, 15281, 13101, 2074, 3867, 15255, 1176, 14384, 3605, 19744, 1652, 4174, 16302, 19419, 12975, 12609, 7518, 2386, 14198, 444, 17026, 14554, 19868, 11479, 5653, 7559, 8967, 3559, 16446, 391, 7972, 16846, 8873, 8979, 17044, 471, 471, 12700, 17740, 12722, 18038, 17339, 15710, 12470, 5787, 4526, 1918, 9954, 6986, 19211, 3663, 2873, 17373, 11655, 2075, 8648, 6391, 9343, 3020, 104, 17885, 16690, 10247, 19056, 16914, 3589, 3530, 4186, 12039, 13206, 4790, 13186, 13510, 5683, 6335, 17983, 5059, 3671, 11945, 6428, 10509, 11685, 19116, 12591, 12397, 16505, 15250, 14043, 15702, 3962, 15463, 1026, 17493, 9486, 7394, 17705, 7945, 957, 15089, 8949, 3923, 9327, 6027, 3834, 13772, 8345, 5312, 13674, 12552, 15690, 9889, 7788, 048, 2630, 19197, 16296, 6179, 1664, 16862, 1076, 12797, 14445, 15285, 6243, 1515, 6229, 16519, 10742, 19016, 14919, 17320, 8550, 17625, 1056, 4435, 12794, 6878, 17805, 16304, 3438, 10945, 17096, 280, 8379, 10177, 7038, 9697, 17992, 8666, 18527, 3324, 9959, 16616, 17828, 14771, 13395, 4932, 16336, 14170, 19829, 874, 1651, 12045, 10080, 17237, 3467, 2012, 19108, 17444, 17283, 10747, 19542, 14990, 8667, 11105, 16240, 6518, 16752, 8476, 13246, 14124, 1152, 609, 2659, 8461, 10966, 18843, 18956, 6856, 12565, 6942, 9091, 6651.



განცხადება

ს ა კ ო მ ე რ ს ი ო კ უ რ ს ე ბ ი

ქალესსა და ვაჟებისათვის

სასწავლებელი და საყმაწვილო ბალი

(წელი მეთუთხმეტე)

ი. ოსხელიძისა

(ჭუთაისში)

გამართულია ვარფლომევეის სახლში დადიანის ქუჩაზე.

სასწავლებელი ამზადებს ყმაწვილებს გომწაზიან მოსამზადებელსა და პირველ კლასებისათვის, საყმაწვილო ბალი მიზნათ იღებს აღზარდოს ყმაწვილები 5—7 წლ სამშობლო ენაზე ფრებელის სისტემით.

სასწავლებელში ყმაწვილები მიიღებიან პირველ სექტემბრიდან პირველ ოქტომბრამდე, ხოლო საყმაწვილო ბალში ყოველ დროს მთელი წლის განმავლობაში. თვიური გადასახადი დაინშნულია სასწავლებელში 10 მან. და საყმაწვილო ბალში 5 მან.

(4—2)

კარძო საავათმყოფო ამბულატორიითურთ ექიმი, ს. ვ. თოფურიასი. ქ. ჭუთაისში.

საავათმყოფოში დგას ოცდა ოთრმეტი საწოლი ხირურგიულ, გინეკოლოგიურ და შინაგან სენით ავთმყოფათვის. მუწუკებიანი და გადამდები სენით ავთმყოფნი არ მიიღებიან. მოსიარულე ავთმყოფნი მიიღებიან ყოველ დღე 11 საათიდან შუადღის 3 საათამდე.

შინაგან და ნერვებით ავთმყოფებს მიიღებს: ექ. ს. ვ. თოფურია.

ხირურგიულ და შარდით ექ. ბ. გ. პრეველსკი. დედაკაცურ ავთმყოფთა და საბებიოს — ქალი — ექიმი. მ. ფ. კაგანი

თვალების ავთმყოფთათვის ექიმი ი. ბ. ვარშავსკაი.

ჩრევა ღარიგების ფასი 50 კ., კონსილიუმის ფასი 3 მ. დღე და ღამის ქირა საავათმყოფოში სრული ხარჯით და ექიმობით 2—3 მანეთამდე. აპერაციის ფასი გარიგებაზეა.

საავათმყოფოს დირექტორი ს. ვ. თოფურია.

(4—3)

კურსების დაინშნულება ის არის, რომ სპეციალური საკომერციო განათლება შესძინოს მსურველთ, როგორც ქალესს, ისე ვაჟებს და მოამზადოს ვარჯიშობ ს შემწეობით ანგარიშის დახელოვნებით მცოდნენი.

სწავლის გათავებას შემდეგ ატესტატები ეძლევათ. 1896—97 სამოსწავლო წელს შემდეგი საგნები იქნება სასწავლებელი: 1) საკომერციო ეკონომიკა, 2) საკომერციო ანთიმეტიკა, 3) ბუხგალტერის მარტინი, ორკეცოც და საბანკო, 4) ანთიმეტიკა საანგარიშო ითოქსათ 5) საკომერციო მიწერ მოწერა, 6) საგანგრო და სათამასუქო წესდგანი, 7) მსწრავლ-წერა და წერა გავრული და შინაინი (исправление дурного почерка).

სწავლა დაიწყება 16 სექტემბრიდან. ახლათ შემომსვლელთა მიღება დაიწყება 2 სექტემბრიდან. ყოველ დღე დილის 10 საათიდან თერთმეტამდე და საღამოს 4 საათიდან 8 სათამდე, კურსების სადგომში სხლი ალექსანდრე ფრიდლანდისა № 9, სერგეივისა და ნაგონის ქუჩაზე, აფთაქის პირდაპირ.

პროგრამები და წესები კურსებისა უსსეიდლოთ შეძლება მიიღოს მსურველთა კურსების სადგომში და ძმათა წოვიანოების საბანკორო კანტორაში, სიონის ქუჩაზე.

ენიც ქალაქს გარეშე ცხოვრებს, შეუძლია წერილით მიმართოს კურსებს დამაარსებელს პ. მანუელიანს, ტვილიში.

(12—8)

ქ. ჭუთაისში

პირველი ენგენისთვიდან მთავრობის ნებართვით ისსნება

ს ა კ ა ლ ე გ ო ს კ ო ლ ა,

რომელსაც მიზნათ აქვს მოამზადოს ბავშვი-ქალიშვილები 7-დან 10 წლამდე სხვა-და-სხვა სასწავლებლების მოსამზადებელი და პირველი კლასებისათვის.

თხოვნები მიიღება

ელენე მეჩაბის ასულის ღორთქიფანისის სასკულე, თბილისის ქუჩაზე ნ. დგებუაძის სახლში. სწავლების ფასი თვეში ხუთი მანეთია.

(3—2)